



Odbor za urbanizam i upotrebu lokalnog zemljišta

Broj: 04-GV-04-274/22

Sarajevo, 16.02.2022. godine

ZAPISNIK O RADU
11. SJEDNICE ODBORA ZA URBANIZAM I
UPOTREBU LOKALNOG ZEMLJIŠTA
održane 16.02.2022. godine
u prostorijama Zavoda za planiranje razvoja Kantona Sarajevo

Prisutni:

1. Aida Koluder - Agić, predsjedavajuća Odbora
2. Ismir Smajić, zamjenik predsjedavajuće
3. Jasmin Ademović, po ovlaštenju umjesto Danijele Šahat, članice
4. Sandra Toskić, član
5. Fikret Jakupović, član

Odsutni: Elvedin Korora, član (najavljeno odsustvo), Salih Išerić, član

Sjednici iz Stručne službe Gradskog vijeća Grada Sarajeva prisustvuju:

- Mila Eminović, sekretar Gradskog vijeća Grada Sarajeva
- Mirjana Đanović Stanić, rukovodilac Stručne službe Gradskog vijeća Grada Sarajeva

Sjednici prisustvuju:

- Merima Arifhodžić, pomoćnica Gradonačelnice za urbano planiranje, investicije, stambene i komunalne poslove,
- Arijana Musić, ispred Gradske službe za urbano planiranje, investicije, stambene i komunalne poslove,
- Semir Mušinović, ispred Gradske službe za urbano planiranje, investicije, stambene i komunalne poslove.

Iz Zavoda za planiranje razvoja Kantona Sarajevo sjednici prisustvuju Edin Jenčiragić, pomoćnik direktora za prostorno planiranje, Dario Lukić, Ilda Tanjo i Vedad Viteškić.

Predsjedavajuća Odbora je otvorila sjednicu u 13.35 sati, pozdravila prisutne i utvrdila kvorum za punovažan rad i odlučivanje.

Na prijedlog Predsjedavajuće, jednoglasno je usvojen sljedeći dnevni red:

1. Prezentacija napretka u procesu izrade Urbanističkog plana za urbano područje Sarajevo (Stari Grad, Centar, Novo Sarajevo, Novi Grad, Ilidža, Vogošća) za period 2016. – 2036. godina
2. Tekuća pitanja



TAČKA 1.

Prezentacija napretka u procesu izrade Urbanističkog plana za urbano područje Sarajevo (Stari Grad, Centar, Novo Sarajevo, Novi Grad, Ilidža, Vogošća) za period 2016. – 2036. godina

Edin Jenčiragić, pomoćnik direktora za prostorno planiranje je prezentirao osnovni koncept Urbanističkog plana za urbano područje Sarajevo 2016. – 2036. godina, upućen Vladi Kantona Sarajevo putem nadležnog ministarstva na usaglašavanje.

Jasmin Ademović, predsjedavajući Gradskog vijeća Grada Sarajeva je zbog ranije preuzetih obaveza u 14.34 sati napustio sjednicu Odbora.

Poslije prezentacije uslijedila je diskusija u kojoj su članovi Odbora postavili određena pitanja i iznijeli svoja mišljenja, a predstavnici Zavoda su dali odgovore i dodatna obrazloženja.

Iz diskusije u kojoj je iznesena podrška prezentiranom konceptu, te sažetka Predsjedavajuće, Odbor za urbanizam i upotrebu lokalnog zemljišta, jednoglasno je, usvojio sljedeće **zaključke**:

1. Odbor za urbanizam i upotrebu lokalnog zemljišta podsjeća Gradsko vijeće Grada Sarajeva na zaključke koje je Gradsko vijeće u novembru mjesecu 2021. godine donijelo na prijedlog ovog Odbora, i koji su upućeni nadležnim organima u Kantonu Sarajevo.
 - Na prijedlog Odbora za urbanizam i upotrebu lokalnog zemljišta, Gradsko vijeće Grada Sarajeva upućuje zahtjev Vladi Kantona Sarajevo i nadležnom ministarstvu Kantona Sarajevo da predlože Skupštini Kantona Sarajevo preispitivanje zaključka Skupštine o obaveznoj primjeni mjera zaštite ventilacionih koridora utvrđenih Studijom o urbanim ventilacionim koridorima i utjecaju visokih zgrada na kvalitet zraka, tako da se zaključak uskladi sa urbanim pravilima na prijedlog Zavoda za planiranje razvoja Kantona Sarajevo, a što će činiti osnov za nastavak rada na donošenju regulacionih planova iz nadležnosti Grada Sarajeva.
 - Na prijedlog Odbora za urbanizam i upotrebu lokalnog zemljišta, Gradsko vijeće Grada Sarajeva upućuje zahtjev Skupštini Kantona Sarajevo za odlučivanje o preispitivanju Studije o urbanim ventilacionim koridorima i utjecaju visokih zgrada na kvalitet zraka, odnosno preispitivanju obavezujućih mjera iz zaključaka Studije.
2. Odbor za urbanizam i upotrebu lokalnog zemljišta upućuje inicijativu Gradskom vijeću Grada Sarajeva da donese zaključak koji bi se uputio nadležnim organima Kantona Sarajevo, a koji bi glasio:

Gradsko vijeće Grada Sarajeva podržava pristup i rješenja iz osnovne koncepcije Urbanističkog plana za urbano područje Sarajevo za period 2016. – 2036. godina, s posebnim naglaskom na predložena urbana pravila - grad po mjeri čovjeka, koja bi bitno usmjerila provođenje budućeg urbanističkog plana.
3. Gradsko vijeće Grada Sarajeva upućuje inicijativu Vladi Kantona Sarajevo da uloži dodatne napore i razmotri predloženi koncept što je moguće prije, kako bi se ostvarili osnovni preduslovi za nastavak rada organa Grada Sarajeva, ali i općinskih organa u Kantonu Sarajevo na donošenju provedbene planske dokumentacije, a uzimajući u obzir ranije upućene zahtjeve Gradskog vijeća Grada Sarajeva Skupštini Kantona Sarajevo iz tačke 1. ovog zaključka.

TAČKA 2.
Tekuća pitanja

Pod ovom tačkom dnevnog reda nije bilo rasprave.

PREDSJEDAVAJUĆA ODBORA

Aida Koluder-Agić, s.r.

Predsjedavajuća Odbora je u 15.45 sati zaključila rad 11. sjednice Odbora za urbanizam i upotrebu lokalnog zemljišta Gradskog vijeća Grada Sarajeva.